



partii naleraq

UPA2017/122

Immikkoortup 122 siullermeerneqarnera:

Inatsisartut aalajangiiffigisassaattut siunnersuut Naalakkersuisut peqqunneqassasut Island-imi kalaallit sinniisoqarfiannik pilersitsinissamut, pitsaasumik sanileriinnerup ineriartornera qulakkeerniarlugu Kalaallillu Nunaannut inuiaqatigiinnullu kalaallinut Island-imik suleqateqarnerup sapinngisamik annertunerpaamik pitsaanerpaamillu iluanaarutigisinnaaqqullugu.

(Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisoq)

Partii Naleqqamiit makku tunngaviusumik Naalagaaffinngoriartornitsinni nunanut allanut suleqateqarnermi suungaluartumiluunniit qitiulluinnartariaqartutut minnerpaamik piumasaqataasariaqartutut isigaangut:

- Nunanut allanut niueqateqarnek/attaveqatigiinneq illuatungeriinnut tamanut minnerpaamik naligiimmik iluaqutaassuseqartariaqarpoq. Tuluttut taaguut nunarsuarmioqatitsinnik atorneqartoq win/win situation, tunngavigalugu, imatut oqaatitsinnut naleqqussarneqarsinnaasoq – naligiimmik pissarseqatigiinneq, tunngaviusarmat.
- Pisuussutitta avammut niueqateqarnermi massakkutuunngitsoq, iluanaarutaanerpaaffissaata qulakkeerneqarnissaa timalerneqartariaqarpoq.
- Nunanut allanut niueqateqarnek/attaveqarnek nunamut sumulluunniit imminut napatinnermik tunngaviulluinnarmat kinguarsarnagu tamanna akisussaaffik namminerluinnaq aqulertariaqarparput, nunatta pisuussutai uumassusillit uumaatsullu, minnerunngitsumillu nunatta nunarsuarmi inissisimanagera tunngavigalugu iluaqutaanera eqqarsaatigalugu.

Taamatut aallarneeriarluta una nunatta sanilitsinni Islandimi aallartitaqalernissaa qulaani piumasaqaatit tunngavigilluinnarlugit imatut oqaaseqarfigissuarput.

Sanileriinnermi attavigiilluarnissaq pingaaruteqarnerata saniatigut aamma piumasaqaataasariaqarpoq pissarseqataaffiusumik tamassumap qulakkeerniarneqarnissaa, tamannalu pisinnaavoq inunnik nunatsinnut inuinullu tunniusimalluinnaannaratik aamma nunat akornanni niueqatigiinnerup iluanaarfiusumik qulakkeernittussaasumik inuttalersuinitigut, tamannalu ilanngullugu Naalakkersuisut piviusunngortitsiniarnermini qulakkeernissaa tungitsinniit kissaatigissavarput, attavigiinnermi inussiarnisaarnerinnaangilaq sorpassuartigulli cool business-iulluni, kalaallisuunngortillugu – iluanaarutaasumik niueqatigiilluarnarulluni. Taamaattumik aamma siunnersuutip quleqataa nuannaarutigaarput taama isikkulerneqarsimammat.

Taama oqaaseqarluta siunnersuut, qulaani taakkartukkagut tunngavigalugit taperserparput aappassaaneerneqannginneranilu nunanut allanut sillimaniarnermullu ataatsimiititaliamik sukumiisumik suliarineqarnissaa innersuussutigalutigu.

Qujanaq Per Rosing-Petersen